

**UDRUŽENJE GRAĐANA ZA POVRAT STARE
DEVIZNE ŠTEDNJE U BiH i DIJASPORI**



RAIFFEISEN BANKA
ž.r. 1610450036820073
e-mail: nnisic@spinter.net
www.starastednjabh.org

Sjedište: Banja Luka 78000
I. G. Kovačića 139b
tel. 051/380-738
fax. 051/381-374

UPRAVNI ODBOR

Broj: 1514/09

Banja Luka, 17.09.2009.

Cour Européenne
des Droits de l'Homme

21 SEP. 2009

déposé à l'accueil

SAOPŠTENJE ZA JAVNOST

Nakon održane 98. sjednice Savjeta ministara BiH, 14.09.2009. godine je izdato sljedeće saopštenje:

"Savjet ministara BiH utvrdio je, većinom glasova, Prijedlog zakona o raspodjeli, namjeni i korištenju finansijskih sredstava dobijenih po Aneksu „C“ Sporazuma o pitanjima sukcesije. Predlagač, Ministarstvo finansija i trezora, dostavit će prijedlog zakona Parlamentarnoj skupštini BiH na razmatranje po osnovnoj zakonodavnoj proceduri.

Prema prijedlogu zakona, novčana i sredstva od prodaje monetarnog zlata, vrijednosti dionica, dividendi i kamata koje je BiH dobila po Aneksu „C“ Sporazuma o sukcesiji namijenjena su za potrebe Bosne i Hercegovine - 10 posto, Federacije BiH - 58 posto, Republike Srpske - 29 posto i za potrebe Brčko Distrikta BiH - tri posto."

Raspodjela zaostavštine biše države nije nešto što bi izazvalo posebnu pažnju. Međutim, čitajući vijest se nameće sasvim logično pitanje: "Odakle bivšoj SFRJ monetarno zlato, dionice, dividende i kamate iz Aneksa "C" ?" Odgovor na ovo pitanje glasi: "Sve to potiče od stare devizne štednje."

Zato upozoravamo sve koji učestvuju u aktivnostima vezanim za usvajanje navedenog zakona, a prije svih Visokog predstavnika Valentina Inška, kao i poslanike i delegate u Parlamentarnoj skupštini BiH da se radi o pljački stare devizne štednje koja za stare devizne štediške iz Bosne i Hercegovine u kontinuitetu traje već osamanaest godina.

Korumpirana vlast krčmi tuđu imovinu, a pri tom ne čini ništa da sprovede i Aneks "G" Sporazuma o sukcesiji.

Sporazumom o pitanjima sukcesije su u Beču 29.juna 2001. godine, u ime Bosne i Hercegovine potpisali Zlatko Lagumdžija i tadašnji Visoki predstavnik Folgang Petrič. Članom 1. Aneksa "G" Sporazuma, zemlje potpisnice su preuzele obavezu zaštite privatnog vlasništva i stečenih prava građana i drugih pravnih lica bivše SFRJ.

Članom 2. stav 1. podstavom a) Aneksa "G" određeno je: "Pravo na pokretnu i nepokretnu imovinu koja se nalazi u državi nasljednici i na koju su građani ili druga pravna lica imali pravo 31. decembra 1990. godine će biti priznata, zaštićena i vraćena od strane te države u skladu sa uspostavljenim standardima i normama međunarodnog prava i neovisno od nacionalnosti, državljanstava mjesta boravkaili domicila tih osoba....."

a članom 2 stavom 1. podstavom b) Aneksa "G" je određeno: "Svaki tobožnji prenos prava na pokretnu ili nepokretnu imovinu učinjen nakon 31. decembra 1990. godine i zaključen pod prisilom ili u suprotnosti sa podstavom (a) ovog člana će biti bespredmetan i nevažeći."

Selektivna realizacija Aneksa iz Sporazuma o sukcesiji od strane vlasti u BiH je direktno kršenje člana 1. Protokola 1. uz Evropsku konvenciju o zaštiti ljudskih prava i temeljnih sloboda, koja se direktno primjenjuje u BiH i na čije sprovođenje su se parlamentarci u Parlamentarnoj skupštini BiH i ministri u Savjetu ministara BiH zakleli.

Surova stvarnost, bijeda i neimaština u kojoj žive vlasnici stare devizne štednje nam, na žalost daje pravo da ni ovaj put od organa Bosne i Hercegovine u kojima se nalaze i neki dokazani krivokletnici, neočekujemo ništa dobro. Zato upozoravamo i apelujemo na Visokog predstavnika, gospodina Inska, da je kao potpisnik Sporazuma o sukcesiji obavezan da se stara i o njegovom potpunom, a ne selektivnom sprovođenju.



Dostavljeno:

1. OHR-u
2. Jose Manuel Barosso, the Presidency of the European Commission
3. Olly Ren, evropski komesar za proširenje,
4. Tary Daviss Generalni sekretar Savjeta Evrope;
5. Tomas Hamerberger, Komesar za ljudska prava pri Savjetu Evrope
6. Jan-Paul Costa, predsjednik Evropskog suda za ljudska prava
7. Savjetu ministara BiH i Parlamentarnoj skupštini BiH;
8. Vladi Federacije BiH i Vladi RS;
9. Tužilaštvu BiH i
10. Medijima.